

Mensahe 3

**Gahom sa Dios ug Kaalam sa Dios**

Basahong Kasulatan: 1 Cor. 1:2, 23-24, 30;  
Rom. 6:6, 19, 22; Efe. 1:9, 11; 3:11

- I. Sa wala pa hisgoti si Cristo nga gahom sa Dios ug kaalam sa Dios sa 1 Corinto 1:24 nagpahayag si Pablo, sa versiculo 23 nga, “Giwali nato si Cristo nga gilansang sa krus, nga kapandolan alang sa mga Judio, ug kabuang alang sa mga Gentil”:**
- A. Nagpasabot kini nga si Cristo nga maoy gahom sa Dios ug kaalam sa Dios nga magtuman sa pamatigayon sa Dios mao si Cristo nga gilansang sa krus, si Cristo nga walay gibuhay aron magluwas sa Iyang Kaugalingon—v. 24.
  - B. Sa panan-aw sa tawo, kon ilansang sa krus ang tawo, wala gyod siyay gahom, kay dili gyod magpalansang sa krus ang tawong gamhanan; bisan pa niana, gilansang sa krus si Cristo nga gahom sa Dios.
  - C. Labot pa, sa pagtan-aw sa tawo, mangita gyog mga paagi ang tawong maalamon aron dili siya malansang sa krus, apan gilansang sa krus si Cristo nga kaalam sa Dios—Gal. 2:20.
  - D. Si Cristo nga gilansang sa krus mao ang gahom sa Dios—1 Cor. 1:24:
    - 1. Sa krus ni Cristo makita nato ang gahom sa Dios.
    - 2. Gikinahanglan ang gahom sa Dios aron makadaog ni Satanas, sa kalibotan, sala, hulog nga tawo, sa unod, sa natural nga kinabuhi, sa daang kabuhatan, ug sa kabalaoran.
    - 3. Nahimong gahom sa Dios ang kamatayon ni Cristo—pagkalansang Niya sa krus—v. 24.
  - E. Si Cristo nga gilansang sa krus mao ang kaalam sa Dios—2:7:
    - 1. Aron duna tay mahuman, gikinahanglan nato si Cristo nga gahom ug kaalam —1:24.
    - 2. Alang sa pagplano ug pagtinguha ang kaalam, samtang alang sa pagtuman ug pagbuhay sa giplano ang gahom.
    - 3. Masinati ngani nato ang gilansang sa krus nga Cristo, dili lang Siya mahimo natong gahom sa Dios kondili kaalam sab sa Dios—Rom. 6:6; Gal. 2:20.
    - 4. Si Cristo nga gilansang sa krus isip kaalam sa Dios may kalabotan man sa lalom ug tulokibong plano sa Dios segun sa gikahimut-an Niya ug segun sab sa paagi sa Dios sa pagtuman sa Iyang kabubut-on—Efe. 1:9, 11; 3:11:
      - a. Kay nabatongan man nato ang gilansang sa krus nga Cristo isip kaalam sa Dios, dili na gyod ta mangitag paagi sa pagtuman sa kabubut-on sa Dios.
      - b. Sa pagsinati lang sa gilansang sa krus nga Cristo, naa dayon tay paagi sa pagbuhay sa kabubut-on sa Dios.

## GAHOM SA DIOS UG KAALAM SA DIOS

### Mensahe 3 (sumpay)

- c. Mahimo tang maalamon kaayo sa pagbuhat sa kabubut-on sa Dios—Col. 1:9; 4:12.
- d. Basta kay masinati nato ang gilansang sa krus nga Cristo, mahimo Siya natong kaalam sa Dios aron matuman ang Iyang plano; mabatonan nato ang kaalam sa Dios sa pagbuhat sa Iyang kabubut-on—1:9.
- F. Masinati ngani nato ang gilansang sa krus nga Cristo, matapos na ta—Gal. 2:20:
  - 1. Tanang pagkamao nato, tanang nabatonan nato, ug tanang mahimo nato—hingpit gyong matapos.
  - 2. Motawag ngani ta sa ngalan ni Ginoong Jesus, samtang nagsinati ug nagpahimulos ta Niya, magtapos nato ang pagkalansang Niya sa krus.
  - 3. Si Cristo nga gilansang sa krus dili lang ang gahom kondili ang paagi sab aron maluwas ta sa unod, sa natural nga kinabuhi, ug sa daang kabuhatan.

### **II. Isip mga tinawag sa Dios, kinahanglan gyod tang masayod ug makasinati sa gahom ug kaalam ni Cristo—1 Cor. 1:24:**

- A. Naghisgot ang 1 Corinto 1:2 sa “mga balaang tinawag”:
  - 1. Ang mga magtutuo diha ni Cristo mga balaang tinawag, wala tawga aron mahimong mga balaan; may kalabotan kini sa posisyon, pagbalaan sa posisyon sa tuyo nga mabalaan sa disposisyon.
  - 2. Nagpasabot ang pagtawag sa ngalan sa Ginoo og pagtuo ngadto Niya—Rom. 10:14.
  - 3. Mga magtatawag gyod ang tanang magtutuo sa Ginoo—Buh. 9:14, 21; 22:16.
  - 4. Gitawag ta aron motawag, gitawag sa Dios aron motawag sa ngalan sa Ginoo.
  - 5. Sa mga tinawag sa Dios, si Cristo ang gahom sa Dios ug kaalam sa Dios.
- B. Nagpasabot ang *niadtong mga gipanawag* (1 Cor. 1:24) sa mga gipili sa Dios sa eternidad (Efe. 1:4) ug nituo ni Cristo sa panahon (Buh. 13:48).
- C. Sa mga nituo ni Cristo ug nitawag sa Iyang ngalan, Siya ang gahom sa Dios ug kaalam sa Dios.
- D. Si Cristo nga gilansang sa krus mao ang gahom sa Dios alang sa pagluwas nato ug ang kaalam sa Dios alang sa pagtuman sa Iyang plano:
  - 1. Ang gahom maoy kahimoan, ug ang kaalam maoy paagi.
  - 2. Una si Cristo ang gahom nato, ug Siya dayon ang kaalam nato, sa ato pa, ang paagi nato.
  - 3. Si Cristo ang gahom sa Dios nga mobuhat sa pamatigayon sa Dios, ug Siya sab ang kaalam sa Dios, ang paagi sa Dios, nga mobuhat sa pamatigayon sa Dios.

Mensahe 3 (sumpay)

- E. Naglig-on nato si Cristo nga gahom sa Dios sa kusganong gahom, nag-sangkap ug nagsustener nato sa pagkamao nato ug mahimo nato:
  - 1. Sa tanang sirkumstansya ug kahimtang nato, makapaantos, makapangako, ug lig-ong makapabarog nato si Cristo nga gahom sa Dios.
  - 2. Magsustener sab Siya nato hangtod nga dili gyod ta matarog; mao nga, nipahayag si Pablo, “Makahimo ko sa tanang butang diha Niya nga naggahom nako”—Fil. 4:13.
  - 3. Adlaw-adlaw tang gisangkapan ug gisusteneran ni Cristo nga gahom sa Dios pinaagi sa Iyang diosnong pagpaambit.
- F. Walay hunong nga niagay gikan sa Dios nganhi nato si Cristo nga kaalam sa Dios aron mahimong kasamtangan ug praktikal nga kaalam nato sa atong kasinatian—1 Cor. 1:24.

**III. “Pagbuot Niya nga naa mo ni Cristo Jesus, nga nahimong kaalam nato gikan sa Dios: pagkamatarong ug pagbalaan ug pagtubos”—v. 30:**

- A. Wala moingon si Pablo ning versiculoha nga nahimong kaalam nato si Cristo; niingon hinuon siya nga nahimong kaalam “nato [si Cristo] gikan sa Dios”:
  - 1. Ang pamulong *nato gikan sa Dios* nagpasabot og kasamtangan, praktikal, masinati kaayo, ug nagpadayon diha sa paagi sa pagpalatay.
  - 2. Kanang mahimong kaalam nato si Cristo gikan sa Dios nagpakita nga dunay pagpalatay ni Cristo nga kaalam gikan sa Dios nganhi nato sa adlaw-adlaw natong pagsinati.
  - 3. Kanunay tang nagkinahanglan ni Cristo nga kaalam nato gikan sa Dios.
- B. Nahimong kaalam nato si Cristo gikan sa Dios ingon nga tulo ka mahinungdanong butang diha sa kaluwasan sa Dios:
  - 1. Siya ang pagkamatarong nato (alang sa atong nangagi), nga pinaagi niini gimatarong ta sa Dios, aron ipanganak ta pag-usab diha sa atong espiritu para makadawat sa diosnong kinabuhi—Rom. 5:18.
  - 2. Siya ang pagbalaan nato (alang sa atong karon), nga pinaagi niini gibalaan ta diha sa atong kalag, sa ato pa, gitransporma sa atong salabotan, pagbati, ug pagbuot sa Iyang diosnong kinabuhi—6:19, 22.
  - 3. Siya ang pagtubos nato (alang sa atong umalabot), sa ato pa, sa pagtubos sa atong lawas (8:23), nga pinaagi niini usbon ang dagway sa atong lawas sa Iyang diosnong kinabuhi aron maato ang mahimayaong pagkasama Niya (Fil. 3:21).
  - 4. Pagbuot sa Dios nga makaapil ta sa ingon niana kakompleto ug kahingpit nga kaluwasan, nga organicong nag-usa sa tibuok natong

## GAHOM SA DIOS UG KAALAM SA DIOS

### Mensahe 3 (sumpay)

pagkatawo—espíritu, kalag, ug lawas—ni Cristo ug naghimo Niya nga atong tanan.

5. Hingpit gyod kining iya sa Dios, dili sa atong kaugalingon, aron magpasigarbo ug maghimaya ta diha Niya, dili sa atong kaugalingon—Efe. 3:20-21.